

Broj: 101- 10783/17 HH

Zenica, 14.07.2017. godine

Na osnovu člana 32. i člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj:716- 10.243-1/17 HH od 03.07.2017. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj:716-10.782/17 HH od 14.07.2017. godine u postupku dodjele okvirnog sporazuma za nabavku hlora, natrij hipohlorita, aluminijum sulfata i baždarenja hlornih boca, i prihvata se preporuka Komisije za nabavke, da se okvirni sporazum zaključi sa ponuđačem:

INTER-IMPEX d.o.o. Tuzla,

kao najbolje ocjenjenom ponuđaču

prema ponudi protokolisanjoj pod brojem:716-9.310/17 od 13.06.2017. godine, za ponuđenu cijenu od 8.990,00 KM KM, bez uračunatog PDV-a.

II

Prijedlog okvirnog sporazuma dostavit će se na potpis izabranom ponuđaču **INTER-IMPEX d.o.o. Tuzla**, nakon isteka roka od 10 dana, računajući od dana kada su svi ponuđači obavješteni o izboru najpovoljnije ponude

III

Cijena ponude iz čl.1. ove Odluke, nakon provedene e-aukcije je umanjena za 50,60% u odnosu na prvobitno ponuđenu cijenu izabranog ponuđača.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

IV

Za realizaciju ove Odluke zadužuje se Komisija, te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-8.702/17 HK od 02.06.2017 godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 12 mjeseci.

Procijenjena vrijednost javne nabavke bez uračunatog PDV-a je 13.000,00 KM.

Dana 05.06.2017. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-341-3-39/17, objavljena je i tenderska dokumentacija.

Poziv za preuzimanje tenderske dokumentacije broj: 713-8.702-2/17 HK od 05.06.2017. godine upućen je sljedećim ponuđačima:

1. HEMIJA PATENTING d.o.o. Lukavac
2. ECOTIME d.o.o. Sarajevo
3. INTER.IMPEX d.o.o. Tuzla.

Na osnovu Izvještaja o preuzimanju tenderske dokumentacije od 22.06.2017. godine u 14:35 sati, utvrđeno je da su sljedeći ponuđači preuzeli tendersku dokumentaciju:

1. INFOSTRIM d.o.o.
2. INTERACT d.o.o. Visoko
3. BBS Europe
4. Ekapija d.o.o.
5. Patenting d.o.o.
6. Drobex d.o.o. berkovići
7. ADS – PROMET d.o.o. Zenica
8. KRAJINAGROUP d.o.o. Banja Luka
9. InterImpex d.o.o.
10. Hemija d.o.o.

Komisija za nabavku imenovana je Odlukom broj: 101-1.672/16 MS od 11.01.2017. godine.

Komisija za nabavku je dana 14.07.2017. godine direktoru preduzeća dostavila Zapisnik o ocjeni ponuda broj: 716-10.782/17 HH od 14.07.2017. godine i Preporuku o izboru najpovoljnijeg ponuđača broj: 716-10.783-1/17 MS od 14.07.2017. godine, u postupku javne nabavke za nabavku hlora, natrij hipohlorita, aluminijum sulfata i baždarenja hlornih boca.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nema neblagovremeno zaprimljenih ponuda,
- ukupno preuzeto tenderske dokumentacije od strane ponuđača sa Portala javnih nabavki 10 (deset).

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

Ponuđač INTER-IMPEX d.o.o. Tuzla je dostavio ponudu u vrijednosti od 18.198,00, bez PDV-a, koja prelazi procijenjenu vrijednost Odluke od 13.000,00 KM, bez PDV-a za predmetnu nabavku, što u ovoj fazi postupka nije eliminatoran nedostatak iz razloga što je u konkretnoj nabavci predviđena e-aukcija.

Ponuđači INTER-IMPEX d.o.o. Tuzla, DROBEX d.o.o. Berković su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 07.07.2017.godine, u terminu od 09:00 sati.

E- aukcija je održana u zakazanom terminu.

Učesnici e-aukcije su mijenjali iznose svojih ponuda.

Konačne ponude, nakon završetka postupka e-aukcije su:

- INTER-IMPEX d.o.o. Tuzla, vrijednost ponude u iznosu od 8.990,00KM, bez PDV-a.
- DROBEX d.o.o. Berković, vrijednost ponude u iznosu od 9.000,18 KM, bez PDV-a.

Uvidom u priloženu dokumentaciju, konkurentskog zahtjeva za dostavu ponuda broj: 713-8702-1/17 HK—za nabavku hlora, natrij hipohlorita, aluminijum sulfata i baždarenja hlornih boca, a tokom preliminarog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), je izrazila sumnju da je ponuđena cijena ponuđača DROBEX d.o.o. Berković neprirodno niska, te je dana 28.06.2017.godine istom uputila Zahtjev za objašnjenje cijene ponude broj: 716-10066/17 MZ. Na predmetni Zahtjev ponuđač je dana 03.07.2017.godine dostavio Objašnjenje cijene ponude u dopisu broj: 10406/17, prema kojem ponuđena cijena nije neprirodno niska.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je rangiranje ponuđača izvršeno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „**najniža cijena**“, prihvatljivih ponuda / ponuđača kako slijedi:

1. INTER-IMPEX d.o.o. Tuzla

sa ukupnom cijenom ponude od 8.990,00 KM, bez uračunatog PDV-a.

2. DROBEX d.o.o. Berković,

sa ukupnom cijenom ponude od 9.000,18 KM, bez uračunatog PDV-a.

te dala preporuku da se okvirni sporazum zaključi sa najuspješnijim ponuđačem INTER-IMPEX d.o.o. Tuzla na period od 12 mjeseci.

Iz navedenih razloga, primjenom člana 32 i člana 64. stav 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a



2 v.d. Direktora:

Šečić Nedim, dipl.ing.maš